

UNIVERZITET U TUZLI

Broj: 01-110-JN-11/20

Tuzla, 02.12.2020. godine

Na osnovu člana 70. i 71. Zakona o javnim nabavkama BiH («Službeni glasnik BiH» broj: 39/14) i člana 65. stav (1) tačka r) Statuta JU Univerziteta u Tuzli broj: 03-730-1/17 od 03.02.2017. godine, a nakon razmatranja Zapisnika Komisije o pregledu i ocjeni ponuda broj: 01-110-JN-10/20 (LOT 11) od 01.02.2020. godine, po punomoći Rektora Univerziteta u Tuzli broj: 01-2593-1/20 od 11. 06. 2020. godine, Direktor za ekonomske poslove donio je

O D L U K U O IZBORU NAJPOVOLJNIJEG PONUĐAČA

I

U okončanom otvorenom postupku javne nabavke računarske i električne opreme za potrebe Univerziteta, izabran je ponuđač INGEL doo Tuzla sa ponuđenom cijenom u ukupnom iznosu od 43.000,00 KM bez uračunatog PDV-a, odnosno 50.310,00 KM sa uračunatim PDV-om, te se istom dodjeljuje ugovor o nabavci.

II

Ponuda ponuđača iz tačke I ove Odluke odabrana je iz razloga što u svemu zadovoljava uslove postavljene u Tenderskoj dokumentaciji.

III

Ponuđač iz tačke I ove Odluke obavezan je da u roku od 5 (pet) dana od dana prijema ove Odluke, dostaviti original ili ovjerene kopije dokaza iz člana 45. Zakona o javnim nabavkama BiH koji su precizno definisani u tenderskoj dokumentaciji.

O b r a z l o ž e n j e

Univerzitet u Tuzli pokrenuo je postupak javne nabavke računarske i električne opreme za potrebe Univerziteta putem Otvorenog postupka javne nabavke broj: 795-1-1-89-3-117/20 od 28.10.2020. godine objavljenom na Portalu e-nabavke, sažetka obavještenja u Službenom Glasniku BiH broj: 69/20 od 30.10.2020.godine i WEB stranici Univerziteta.

U ostavljenom roku ponude je dostavilo 2 (dva) ponuđača: COSPEX doo Zenica i INGEL doo Tuzla.

Analizom ponuda ponuđača konstatovano je slijedeće:

-Ponuđač **COSPEX doo Zenica** je dostavio sve kvalifikacione dokaze zahtijevane tenderskom dokumentacijom, ali ponuđena oprema pod rednim brojem 6. Obrazca za cijenu ponude (24 GigE + 4x1G portni switch) **ne ispunjava tražene** minimalne karakteristike kako slijedi:

1. Traženo: Tip switcha da je potpuno upravljani (manageable) - Ne ispunjava uslov jer prema tehničkoj dokumentaciji proizvođača stoji da model Switch TP-Link TMSG1024D 24-port Gigabit nije upravljiv (unmanaged).

2. Traženo: Uplink interfejs da bude 4 x1G Uplink ports - Small Form-Factor Pluggable (SFP). - Ne ispunjava uslov, jer prema tehničkoj dokumentaciji proizvođača stoji da model Switch TP-Link TL-SG1024D 24-port Gigabit nema ove vrste interfejsa.

3. Traženo: Da performance prosljeđivanja Internet prometa (Forwarding Performance) budu minimalno 71.4 Mpps. - Ne ispunjava uslov, jer isto nije navedeno niti u ponudi Prodavca niti u tehničkoj dokumentaciji proizvođača za model Switch TP-Link TL-SG1024D 24-port Gigabit što upućuje na to da ovaj model uređaja nema tu karakteristiku.

4. Traženo: Switching bandwidth - kapacitet (max data transfer) da bude minimalno 216Gbps. - Ne ispunjava uslov, jer prema tehničkoj dokumentaciji proizvođača za model Switch-a TP-Link TL-SG1024D 24-port Gigabit ovaj parametar je 48Gbps.
5. Traženo: VLANs (Virtualna sučelja): 1023. - Ne ispunjava uslov jer isto nije navedeno niti u ponudi Prodavca niti u tehničkoj dokumentaciji proizvođača za model Switch TP-Link TL-SG1024D 24-port Gigabit.
6. Traženo: RAM: 256MB. - Ne ispunjava ovaj jer isto nije navedeno niti u ponudi Prodavca niti u tehničkoj dokumentaciji proizvođača za model Switch TP-Link TL-SG1024D 24-port Gigabit.
7. Traženo: Flash Memorija: 64MB. - Ne ispunjava uslov, jer isto nije navedeno niti u ponudi Prodavca niti u tehničkoj dokumentaciji proizvođača za model Switch TPLink TL-SG1024D 24-port Gigabit.
8. Traženo: Propusni opseg prosljeđivanja Internet prometa (Forwarding Bandwidth): 108Gbps. - Ne ispunjava uslov, jer prema tehničkoj dokumentaciji proizvođača za model Switch-a TP-Link TL-SG1024D 24-port Gigabit ovaj parametar je 35.7Mpps.
9. Traženo: Podrška za PoE + s proračunom snage do 740 W i trajnim PoE. - Ne ispunjava uslov, jer prema tehničkoj dokumentaciji proizvođača model Switch-a TP-Link TL-SG1024D 24-port Gigabit nema tu podršku.
10. Traženo: Autentifikacijske metode: Kerberos, RADIUS, Secure Shell (SSH), TACACS+. - Ne ispunjava ovaj prema tehničkoj dokumentaciji proizvođača za model Switch TP-Link TL-SG1024D 24-port Gigabit.

Zbog naprijed navedenog ponuda ponuđača COSPEX doo Zenica se odbacuje kao neprihvatljiva.

-Ponuđač **INGEL doo Tuzla** je dostavio sve kvalifikacione dokaze zahtijevane tenderskom dokumentacijom i opremu u skladu sa traženim minimalnim karakteristikama navedenim u koloni 3. Obrazaca za cijenu ponude.

Obzirom da je pristigla jedna prihvatljiva ponuda E-aukcija nije zakazana.

Na osnovu kriterija nevedenog u tački 4.6 Tenderske dokumentacije sačinjena je rang lista kako slijedi:

INGEL doo Tuzla..... 43.000,00 KM, bez PDV-a.

Budući da ponuda ponuđača INGEL doo Tuzla u svemu zadovoljava zahtjeve Univerziteta predviđene Tenderskom dokumentacijom, Komisija je predložila da se istom dodijeli ugovor.

Cijeneći izneseno te činjenicu da su u ovom postupku zadovoljeni svi principi utvrđeni Zakonom o javnim nabavkama BiH, po punomoći Rektora Univerziteta u Tuzli direktor za ekonomske poslove prihvatio je preporuku Komisije i odlučio kao u dispozitivu ove Odluke.

Pravna pouka: Protiv ove Odluke može se podnijeti žalba URŽ-u putem ugovornog organa Univerziteta u Tuzli u roku od 10 (deset) dana od dana njenog prijema, na adresu dr. Tihomila Markovića br.1., 75 000 Tuzla.

Prilog: Zapisnik o pregledu i ocijeni ponuda broj:
01-110-JN-10/20 od 01.12.2020. godine

DOSTAVITI:

1x učesnicima

1x a/a



DIREKTOR

ZA EKONOMSKE POSLOVE

Husejin Matović
Husejin Matović, dipl.oec.